

玉機辨症



疝

源病內經曰厥陰脈滑則病狐疝少陰脈滑則病肺風
疝太陰脈滑則病脾風疝陽明脈滑則病心風疝太
陽脈浮則病腎風疝少陽脈浮則病肝風疝針經
曰心脈微滑為心疝引臍少腹鳴肝脈滑甚為癰疝
腎脈滑甚為瘰癧宗厚曰按發明云夫滑脈關已
上見者為大熱蓋陽與陽併也故大熱脈滑尺部見
為大寒生癰疝滑脈者命門絕絡之名也為丙丙丁
熱火併於下蓋丙丁不勝壬癸從寒水之化也故生
癰疝然滑屬陰脈也病自內因寒亦與已上證同



難經曰任之為病其內苦結男子為七疝

疝寒疝囊冷結硬如石陰莖不舉或控睪丸而痛得
於坐卧濕地或寒月涉水或置雨雪或坐卧磚石或
風冷處使內過勞宜以溫劑下之久而無子 水疝
腎囊腫痛陰汗時出或囊腫而狀如水晶或囊痒而
搔出黃水或少腹中按之作水聲得於飲水醉酒使
內過勞汗出而遇風寒濕之氣聚於囊中故水多令人
為卒疝宜以逐水之劑下之 筋疝陰莖腫脹或潰
或濃或痛而裏急筋縮或莖中痛痛極則痒或挺縱
不收或白物如精隨波而下久而得於房室勞傷反

邪術所使宜以降心之劑下之 血疝狀如黃瓜在
少腹兩傍橫骨兩端約中俗云便癰得於重感春夏
大燠勞於使內氣血流溢滲入脬囊留而不去結
成癰腫膿少血多宜以和血之劑下之 氣疝上連
腎區下及陰囊或因號哭忿怒則氣鬱之而脹怒哭
號罷則氣散者是也宜以散氣之藥下之或小兒亦
有此疾俗曰偏氣得於父己年老或少年多陰病痿
精怯強力入房因而有子胎中病也此疝不治惟築
賓一穴灸之 狐疝狀如仰仰臥則入小腹行立
則出小腹入囊中狐則晝出穴而溺夜則入穴而不

溺此疝出入上下往來正與狐相類也亦與氣疝大同小異今人帶鉤鈐是也宜以逐氣流輓之藥下之癰疝陰囊腫綰如升如斗不痒不痛是也得之地氣卑濕所生故江淮之間湫澹之處多感此疾宜以去濕之藥下之女子陰戶突出雖亦此類乃熱則不禁固也宜以苦下之以苦堅之

子和論疝屬厥陰一經

子和云諸疝皆屬厥陰肝經蓋環陰器

而上入小腹者足厥陰肝也靈樞言足厥陰肝經病則有遺溺癰閉狐疝腎與膀胱小腸三經則不言疝是受疝之處乃肝之部分也且經言男子宗筋為束



骨之會也而肝主筋畢者囊中之丸雖主外腎非厥陰環而引之與玉莖無由伸縮在女子則為篡戶其內外為二其一曰廷孔其二曰竅漏此足厥陰與衝任督之所會也靈樞言足厥陰之經筋聚於陰器其病傷於寒則陰縮入傷於熱則縱挺不收陽明與太陰厥陰之筋皆會於陰器惟厥陰主筋故為疝者必本之厥陰以脈考之素問論六疝雖見於他脈中皆言風疝者足厥陰肝經之氣也靈樞云三陰急為疝太僕云太陰受寒氣聚為疝此言太陰受寒得之肝經也可以溫藥逐之不可以溫藥補之素問云三陽為

傳



病發寒熱其傳為癰疔此亦言膀胱非受病之處必傳於厥陰部分然後為疔也又言病在小腹腹痛不得大小便病名曰疔凡言少腹者豈非陰厥之部分耶膏閱銅人俞穴亦相表裏惟厥陰言疔獨多為疔之主也其他經穴雖亦治疔終非受疔之地但與足厥陰相連耳如運氣或在泉寒勝木氣攣縮禁於此經或司天燥勝木氣抑鬱於此經或忿怒悲哀憂抑頓挫結於此經或藥淋外因閉尾縮精壅於此經其病差別如此且夫遺溺閉瘕陰痿痺精滑白淫皆男子之疔也不可妄歸之腎冷血涸不月月罷腰膝

疝

上熱足健噎乾癆閉少腹有塊或定或移前陰突出
後陰痔核皆女子之疝也但女子不謂七疝而謂之
瘕若年少而得之不計男子婦人皆無子故隱蔽委
曲之事了不干將腎小腸之事乃厥陰肝經之職也
凡肝者非肝木受邪則肝木自甚不可便言虛而補
之難經所謂東方實西方虛瀉南方補北方此言瀉
火木自平金自清水自旺也

宗厚論疝兼屬
膀胱小腸腎經宗厚曰子和七疝治法當異俱用攻

下之法愚竊疑焉雖錢仲陽亦曰肝為相火有瀉無
補丹谿有曰肝只是有餘腎只是不足夫厥陰一經



受疝宜通勿塞固宜亦當視其淺深而行之可也况
有邪氣止客於膀胱小腸之經者若干於少陰腎經
則宜通勿塞之法可例用乎

河間
主寒

原病式曰癰疝少腹控卵腫急絞痛也寒主拘

縮故也寒極而土化制之故腫滿也經言丈夫癰疝
謂陰器連少腹急痛也故言婦人少腹腫皆肝足厥
陰之脈也經註曰寒氣聚而為疝也又按經言五臟
皆主疝但脈急也註言脈急者寒之象也然寒則脈
當短小而遲今言急者非急數而洪也由緊脈主痛
急為痛甚病寒雖急亦短小也所言有痛而脈緊急

者脈為心之所養也凡六氣為痛則心神不寧而緊急不得舒緩故脈亦從之而見也欲知何氣為其病者適其緊急相兼之脈而可知也如緊急洪數則為熱痛之類也又經言脾傳之腎病名曰疝瘕少腹煩冤而痛出白蠱註言少腹痛及出白液也一作客熱內結銷爍脂肉如蠱之食故名曰白蠱也然經之後言熱為疝瘕則亦不可止言為寒當以脈證別之

無擇主外
因四氣

陳無擇曰經云七疝諸疝等更不見名狀

但出寒疝癰疝而已唯大奇論列五臟脈為五疝云云大抵血因寒注則為瘕氣因寒聚則為疝賊風入

濕

腹亦為疝冒暑腹濕皆能為疝脈緊為寒風則浮弦
暑則洪數濕則緩細要知疝脈雖兼臟氣皆外所因也
丹溪主內因濕熱丹溪曰疝痛之甚者畢丸連小腹急痛也
或有形或無形或有聲或無聲自素問以下皆以為
寒蓋經絡得寒收引不行所以作痛世有得寒而無
疝者又必有說以通之可也予屢踢水徒涉不曾病
此以予素無熱也因而思此病始於濕熱在經鬱遏
至久又感外寒熱被鬱而作痛若只作寒論恐為
未備或曰此證多客厥陰一經濕熱之積何由而致
予曰夫勞則火起於筋醉飽則火起於胃房勞則火

起於腎大怒則火起於本經火鬱之久濕氣便盛濁
液凝聚并入血遂流於厥陰肝屬木性速急火性暴
為寒束宜其痛甚而暴也愚見古方以烏頭梔子等
分作湯用之其效亦速後因此方隨形證加減無有
不應又須分濕熱多少而治之但腫多為濕癰是也

疝不宜
補論

許學士云大抵此疾因虛得之不可以虛而

驟補經云邪之所湊其氣必虛留而不去其病則實

故必先滌所蓄之熱然後補之是以諸方多借巴豆

氣者蓋謂此也 宗厚曰疝證雖始為因虛而得必

邪實迫痛而未下故當先瀉而後補也至有虛甚迫



痛上為吐逆或下有遺精者此邪實正虛之甚矣此欲不補可乎但恐補之則無益瀉之則正氣轉陷幸而獲生者鮮矣 丹溪曰疝有挾虛而發者當以參朮為君而佐以疎導診其脈沉緊而豁大者是也若不以補劑而行決烈法禍不旋踵

脈脈經曰腎脈大急沉為腎疝肝脈大急沉為肝疝心脈搏滑急為心疝肺脈沉搏則為寒疝三陰急為脾疝三陰脾脈也寸口脈弦而緊弦緊相搏則為寒疝跌陽脈虛遲為寒疝寒疝繞臍痛若發則自出于足厥陰 無擇曰腎脈本沉心脈本滑受寒則急於

理乃是肝脈本弦肺脈本濇並謂之沉未為了義又脾不出本脈但云急為疝亦文義之缺也

附小腸氣經曰小腹控臍引腰脊上衝心唾出清水及為

噦噫甚則入心善忘善悲甲乙經曰邪在小腸也小

腸病者小腹痛引腰脊貫肝肺其經虛不足則風冷

乘間而入邪氣既入則冷之證上衝肝肺客冷散於

胸結於臍控引臍丸上而不下痛而入腹甚則衝於

心胸蓋其經絡所係屬也啟玄子曰控引也臍丸陰

丸也 宗厚曰寒邪始客於小腸因經絡並於厥陰

故下控引臍丸為痛雖亦如疝然止言小腸氣所以



古人治法往往相類但自有所兼之證殊爾

治寒之劑金匱烏頭桂枝湯治寒疝腹中痛逆冷手足不

仁若身疼痛灸刺諸藥不能治者

烏頭

五箇用蜜一斤煎減半去滓

桂枝

五錢煎湯五合解蜜

每服二

合不知即服三合其知者如醉狀得吐者為中病也若自汗出脈沉弦者止用烏頭煎

宗厚曰按此用桂枝因身疼痛兼表有寒也太陽藥例

三因大烏頭桂枝湯治風寒疝氣腹中刺痛手足不

仁身體拘急不得轉側或致陰縮

大烏頭

五箇去皮尖蜜煎洗過切

桂心

白芍藥

各三錢

甘草錢一 每四錢入薑棗煎服

補腎湯湯治寒疝入腹小腹疼痛時復泄瀉胸膈痞塞

人參 茯苓 黃芪 附子炮 白朮各一兩

沉香錢四 木瓜一兩五錢 羌活錢五 甘草炙

川芎各二錢 紫蘇錢三 每三四錢入薑棗煎服

局方奪命丹治遠年近日小腸疝氣偏墜搐疼臍下撮痛以致悶亂及外腎腫硬日漸滋長陰間濕痒抓成瘡

吳茱萸淨一斤四兩用酒醋湯重便各浸過一宿焙乾 澤瀉二兩

酒煮麴糊丸如梧子大每五十丸空心鹽湯下



茱萸內消丸治腎經虛弱膀胱為邪氣所搏結成寒

疝陰癰偏大

山茱萸

核士

陳皮

吳茱萸

馬蘭花

木香

肉桂

山藥

青皮

川棟子

茴香

各等分

酒糊丸如梧子大每五十丸空心溫酒送下

寶鑑沉香桂附丸治中風虛弱甚脾胃虛寒臟腑積冷心腹疼痛手足厥逆冷便利無度七疝引痛不可忍喜熱熨少緩者

沉香

附子

炮

川烏

炮

乾薑

炮

良薑

官桂

吳茱萸

湯泡去苦水

茴香

炒各一兩

好醋煮糊